

BOSNA I HERCEGOVINA
REPUBLIKA SRPSKA
OKRUŽNI PRIVREDNI SUD
U ISTOČNOM SARAJEVU
Broj: 61 0 St 016802 25 St
Istočno Sarajevo, 22.08.2025. godine

Okružni privredni sud u Istočnom Sarajevu, stečajni sudija Lila Mioković, u pravnoj stvari predlagača Š.J. iz Istočnog Sarajeva, po prijedlogu da se pokrene stečajni postupak nad imovinom pravnog lica „Export Import Sarajevo“ d.o.o. Istočno Novo Sarajevo, Vojvode Radomira Putnika broj 38, Istočno Sarajevo, dana 22.08.2025. godine, donosi sljedeće:

R J E Š E N J E

1. Otvara se stečajni postupak nad imovinom pravnog lica „Export Import Sarajevo“ d.o.o. Istočno Novo Sarajevo, Vojvode Radomira Putnika broj 38, Istočno Sarajevo, JIB 4401462610008, MB:01786466.
2. Za stečajnog upravnika imenuje se Simić Sanja iz Sarajeva, sa liste stečajnih upravnika.
3. Kao vrijeme otvaranja stečajnog postupka utvrđuje se dan 22.08.2025. godine u 12:00 sati.
4. Pozivaju se povjerioci stečajnog dužnika da u roku od 30 dana od dana objavljivanja oglasa u Službenom glasniku RS prijave svoja potraživanja sudu uz obavezu prilaganja dokumentacije iz koje proizilazi osnovanost potraživanja (u dva primjerka), pozivom na broj predmeta 61 0 St 016802 25 St, shodno članu 169. Zakona o stečaju. Uz prijavu povjerioci su dužni priložiti dokaz o uplaćenju taksi na prijavu potraživanja u iznosu 1% od visine prijavljenog potraživanja, s tim da ista ne može biti manja od 50,00 KM niti veća od 10.000,00 KM, a koja se ima uplatiti na budžetski račun javnih prihoda Banja Luka br. 5620990000055687, vrsta prihoda 722211, opština 085, budžetska organizacija 1088001.
5. Pozivaju se povjerioci da u roku od 30 dana od dana objavljivanja oglasa u Službenom Glasniku RS obavijeste stečajnog upravnika o tome koja prava osiguranja potražuju na predmetima imovine stečajnog dužnika i na kojim predmetima se potražuje pravo osiguranja, vrsta i razlog nastanka prava osiguranja, kao i osigurano potraživanje.
6. Pozivaju se osobe koje imaju obaveze prema stečajnom dužniku da ih bez odgađanja izvršavaju prema stečajnom dužniku.
7. Određuje se upis zabilježbe o otvaranju stečajnog postupka u Registru Okružnog privrednog suda u Istočnom Sarajevu.
8. Određuje se ročište za ispitivanje prijava potraživanja za dan ČETVRTAK 20.11.2025.godine u 11:00 sati u zgradi Okružnog privrednog suda u Istočnom Sarajevu, ulica Vojvode Radomira Putnika bb, Istočno Sarajevo. Nakon ispitnog ročišta, ukoliko se steknu zakonski uslovi, odmah će se održati i izvještajno ročište u 12:00 h.

9. Oglas o otvaranju stečajnog postupka objavit će se istog dana kad je i doneseno, odnosno dana 22.08.2025. godine na oglasnoj ploči ovog suda, te će se objaviti i u Službenom glasniku RS, na Internet stranici APIF-a.
10. Rješenje o otvaranju stečajnog postupka dostavit će se nadležnom Tužilaštvu, Službenom glasniku RS.

Obrazloženje

Predlagač Š.J. iz Istočnog Sarajeva kao lice ovlašteno za zastupanje je podnio sudu dana 17.01.2025. godine prijedlog za pokretanje stečajnog postupka nad D.O.O. Export Import Sarajevo, Vojvode Radomira Putnika broj 38, Istočno Sarajevo.

U prijedlogu, kao i na ročištu radi utvrđivanja uslova za otvaranje stečajnog postupka, predlagač je naveo da je razlog podnošenja prijedloga promjena zakonskih uslova poslovanja i nemogućnost usklađivanja sa novovažećim Zakonom o zdravstvenoj zaštiti RS koji je ukinuo mogućnost da pravni subjekat bude osnivač i vlasnik zdravstvene ustanove, iz kog razloga ova firma već više od 10 godina ne obavlja nikakvu djelatnost na tržištu, usljed čega su računi društva blokirani počev od 12.03.2012. godine, te da je vlasnik firme zbog odlaska u penziju i zdravstvenih razloga nezainteresovan za nastavak rada.

Predlagač je priložio dokaze i to: Aktuelni izvod iz sudskog registra broj:061-0-Reg-Z-25-000067 od 16.01.2025.godine, Potvrdu o registraciji u PURS broj:06/1.07/0801-053-06-45/06 od 17.05.2006.godine, Uvjerenje o registraciji u jedinstveni registar obveznika indirektnih poreza broj 04/1-17-54-306-17/08 od 29.04.2008.godine, Uvjerenje PURS-Područna jedinica Istočno Sarajevo broj 06/1.07/0801-455.2.3-131221/2024 od 09.12.2024.godine o iznosu neizmirenih poreskih obaveza fizičkog lica J.Š, Uvjerenje UINO-RC Sarajevo broj: 02/6/II-16-11-20-16232/24 od 03.01.2025. godine o dospjelim a neizmirenim obavezama, Potvrda NLB Banka a.d. Banja Luka broj:04.02-4-BL-8/2025-46 od 10.01.2025.godine o evidentiranim osnovama prinudne naplate, Finansijske izvještaje za 2021,2022 i 2023 godinu, Obavještenje o razvrstavanju jedinice razvrstavanja po djelatnosti RZSRS broj 13051 od 05.06.2007.godine (Pretežna djelatnost: Apoteke, spravljanje lijekova po recepturi-52.311), Obavještenje o razvrstavanju jedinice razvrstavanja po djelatnosti RZSRS broj 13051 od 04.01.2010.godine (Pretežna djelatnost: Direktna medicinska praksa-85.121), dokaz o uplati predujma na ime vođenja stečajnog postupka u iznosu od 3.000,00 KM od 14.03.2025. godine o dokaz o uplati sudske takse na prijedlog za otvaranje stečajnog postupka u iznosu od 100,00 KM od 07.02.2025. godine.

Rješenjem broj 61 0 St 016802 25 St od 05.06.2025. godine pokrenut je prethodni stečajni postupak radi utvrđivanja uslova za otvaranje stečajnog postupka nad imovinom pravnog lica D.O.O. Export Import Sarajevo, Vojvode Radomira Putnika broj 38, Istočno Sarajevo, a za privremenog stečajnog upravnika imenovan je Čorlija Marko. Rješenjem suda broj 61 0 St 016802 25 St od 16.06.2025. godine, na lični zahtjev privremenog stečajnog upravnika, a zbog zdravstvenih razloga, razrješen je dužnosti privremeni stečajni upravnik Čorlija Marko koji je imenovan Rješenjem suda suda broj 61 0 St 016802 25 St od 05.06.2025. godine, a umjesto njega za novog privremenog stečajnog upravnika se imenovana je Simić Sanja iz Sarajeva, a oglas o otvaranju prethodnog stečajnog postupka objavljen je u Službenom Glasniku RS broj 53/25 od 24.06.2025. godine.

Privremena stečajna upravnica je sudu podnijela Izvještaj u kojem je zaključila da pravno lice „Export Import Sarajevo“ d.o.o. Istočno Novo Sarajevo ne može nastaviti svoje poslovanje, jer ne postoji volja vlasnika za nastavak poslovanja, da je stečajni dužnik platežno nesposoban u periodu dužem od 15 godina, da društvo nema nepokretne imovine, odnosno da nije upisano kao posjednik ili vlasnik na području za koje je nadležna PJ Istočno Novo Sarajevo, kao ni na području za koje je nadležna PJ Istočna Ilidža, da posjeduje osnovna sredstva koja su evidentirana u popisnoj listi sačinjenoj na dan 31.12.2024. godine i to: Kompjuteri, softveri i serveri, nabavljena u periodu 2005-2009 godine i oprema i ostala sredstva, nabavljena u periodu 2005-2011 godine. Ukupna nabavna vrijednost opreme iznosi 185.241,13 KM, ispravka vrijednosti iznosi 169.961,90 KM a knjigovodstvena vrijednost iznosi 15.279,23 KM. Na osnovu predočene knjigovodstvene dokumentacije društvo raspolaže sa: opremom čija neotpisana vrijednost iznosi 15.279 KM. Obračun amortizacije u računovodstvene svrhe nije rađen za 2021, 2022, 2023, 2024 i 2025. godinu. Inventurna lista osnovnih sredstava sačinjena na dan 31.12.2024.godine sadrži 64 stavke koje se nalaze u poslovnom prostoru. Zalihe materijala u iznosu od 9.225,00 KM-nabavljene 2016 godine i ranije-zatečeno bez upotrebne vrijednosti. Zalihe robe u iznosu 34.589 KM-nabavljene 2015 godine i ranije-zatečeno, roba isteklog roka. Prema knjigovodstvenoj evidenciji sredstva na transakcionim računima u domaćoj valuti iznose 6,07 KM a u stranoj valuti u protivvrijednosti od 16,04 KM. Ukupno 22,11 KM. Sredstava na glavnoj blagajni nema.

Izjavila je da su do sada uplaćena sredstva na ime predujma troškova od strane predlagača u iznosu od 3.000,00 KM dovoljna za pokriće troškova dosadašnjeg toka postupka, a da će se o potrebi predujma dodatnih troškova naknadno izjasniti nakon eventualnog otvaranja stečajnog postupka.

Sljedom svega navedenog, a budući da je postojanje stečajnog razloga predlagač dokazao na osnovu svih priloženih dokaza, te da je dostavio sudu dokaz o uplati iznosa od 3.000,00 KM, a nakon što je proveden prethodni postupak u kojem je utvrđeno da su se stekli uslovi da se otvori stečajni postupak, to je sud shodno odredbama člana 97. i 99. Zakona o stečaju (Sl. glasnik RS broj 16/16), odlučio kao u izreci ovog rješenja.

STEČAJNI SUDIJA

Lila Mioković

POUKA O PRAVNOM LIJEKU:

Protiv ovog rješenja može se izjaviti žalba Višem privrednom sudu Banja Luka u roku od 8 dana od dana objavljivanja u Sl. Glasniku RS. Žalba se podnosi putem ovog suda.